

MOSES ỌTỌŃỌ UTOM ESIE

Exodus 4:1-23, 27-31

ỌYỌHỌ UKPEP-ŃKPỌ 49

Eke Mkparawa

IKỌ IBUOT: “Edi edieke owo mbufo ekededi ananade eti ibuat, yak enye ebeñe Abasi” (James 1:5).

Esọñọ Moses Idem

Ke ini Moses ekeyerede ikot Abasi ete “Se mi mi” enye ikotimke idiọñọ akwa utom eke Abasi okoyomde ndinọ enye. Enye ama afaña ye Abasi ete ke nditọ Israel idibuotke idem ye imọ nte enye emi Abasi ọdọñde. Edi Abasi etiñ enyin ke kpukpru ńkpọ; edieke nnyin inyime inọ Enye ndida nnyin nnam ńkpọ, Enye eyenam uduak Esie ke nnyin ọwọrọ osu.

Abasi ama ọnọ Moses mme idiọñọ ndisọñọ mbufotidem esie. Enye ama ọdọhọ Moses emen esañ emi enye akakamade ke ubọk ọduok ke isọñ. Ke enye ama akanam ntre, esañ oro akabare edi urukikot; ndien Moses okop ndik onyūñ efehe ọkpọñ enye. Edi Abasi ikoyomke Moses efehe ndik ke ńkpọ ekededi, Enye ọdọhọ Moses anyan ubọk esie omum enye isim; ndien ke enye anamde ntre; urukikot akabare edi esañ ke ubọk esie. Oro ekedi ata ńkpọ mkpaidem emi akpakanamde Moses enyene uko; edi Abasi ama ọnọ enye mme idiọñọ efen.

Ke ini Moses ama ekesin ubọk ke ikpanesit esie onyūñ osio, nte Abasi ọkọdọhọde enye “Sese ubọk akabare enye akpa afia nte snow.” Nnyin ima ibem iso ikpep ibaña akpamfia nte ata idiok udọñọ, ye nte ayakde esisit owo ikpekemeke ndikok enye ke mibọhọke Abasi ikpọñ. Imọnim ite ke idem ama akpa Moses eti-eti ndikut idiok udọñọ emi ke ubọk esie, edi Abasi ọtọñọ ntak ọdọhọ enye ete, esin ubọk esie ke ikpanesit, ndien adañaemi enye osiode ubọk, enye akabare asana. Mme idiọñọ emi ekedi utibe-ńkpọ ke akpan, Abasi ama ọñwọñọ nditọñọ ntak ńwut mmọ ke iso nditọ Israel ye ke iso Pharaoh man mmọ enim ete ke Akwa Abasi okodu ye Moses. Edieke mmọ edisuk eyikde ke ema ekeke mme idiọñọ emi, Moses ekenyene ndida mmọñ ke akpa nduok ke obot, ndien enye eyekabare iyip. Ke akpanikọ baba owo kiet idiyikke ke kpukpru emi ema ekebe.

Oyom ńkop-Item

Edi Moses ama osuk ọnọ mfaña ke ntak unana ukeme esie. Enye ama onim Abasi ke akpanikọ okposuk edi enye ekeyikde ke abaña ukeme esie ndinam utom emi Abasi okoyomde enye anam. Edi akpan ńkpọ nnyin ndisuhọre idem ke iso Ọbọñ; edi otim ọfọn akan nnyin ndidu ke mbeñeidem ndinam se Abasi oyomde inam, kpa ke ini emi ikerede ite ukeme iduhe, edieke iyomde ndinem Abasi esit. Nnyin inyene nditie nte mbat, emi obot-eso ekemede ndinuak nnyūñ mbot ke usuñ nte enye amade man enye ọwọrọ edi eti ńkpọ utom.

Nnyin imokop ibaña ite ke ini Jesus okokotde mbet Esie, Enye ikokotke mme owo emi ema ekebem iso enyene ifiok ukpep ibet, mme, mme mmọ oro ema ekenyene itie ke Itie-ukpono Abasi, edi enye ama oduk ke otu mme usuhọre owo, kpa mmọ oro edinyimede ndikwọrọ ikọ eke Enye edinọde mmọ.

Mme Uwut-ńkpọ Uko

Ke ini David ọkọwọrọde aka ndiwot anyan-owo oro, enye ikekemeke ndida mme ńkpọ-ekọñ eke mbon-ekọñ ewakde ndikama, edi ndọnọ nditọ itiat emi enye okosioñode ke mben inyañ esin ke utop-itiat esie ekedi ọkpọsọñ ńkpọ-ekọñ ọnọ enye ndida ńkan asua esie. Samson akada mbañ enañ anam ńkpọ-ekọñ emi enye akadade owot tọsin owo kiet. Enye ikọnọhọ mfaña ite ke inyeneke uñwam ke ntak unana ńkpọ-ekọñ, enye akada kpa se ikodukde enye ubọk, ndien Abasi ọdiọñ ńkpọ-ekọñ oro. Abasi iyomke inam se nnyin mikemeke ndinam edi oyom nnyin itim ida se Enye ọnọde nnyin inam se oyomde nnyin inam. Abasi ekeme ndida ekpri ńkpọ nnam akamba utom. Paul ekewet ọnọ Mbon Corinth ete: “Abasi ekemek ńkpọ oro edide ndisime ke ererimbot man Enye esuene mbon eti ibuat; Abasi okonyūñ emek ńkpọ eke edide mmeme ke ererimbot man Enye esuene mkpọsọñ ńkpọ” (1 ńwed Corinth 1:27).

Spirit Etie Ntiense

Moses ekekere ete ke imọ idighe owo udọn ikọ, ke owo baba kiet idikpañke utọñ inọ imọ. Abasi otim ekere abaña spirit emi odude owo ke idem akan usuñ nte owo etiñde ikọ. Mi ke nnyin ifiak iti ikọ Paul ete: “Nkpesem usem mme owo ye eke mme angel, ndien nnyeneke ima, mmakabare nyomo uyom nte akpañkpañ, nnyūñ nsioro uyo nte ekpri ńkanika” (1 ńwed Corinth 13:1). Owo ekpekeme ndisem usem nte angel, ndien inyeneke Spirit Abasi ke enye, enye anam uyom ke iso Abasi nte ukpọk akpañ-kpañ.

Abasi ikenemke esit ye Moses ke abaña mme mfaña esie. Ke akande oro, nte idighe Abasi akanam inua Moses, nte Enye idisinke ikọ ke inua esie nditiñ? Edi Abasi ama ọdọñ Aaron, eyen eka Moses aka man edi nte

inua ọnọ enye onyụn aṅwam Moses ke editiṅ ikọ. Akana nte mmọ enam utom ọtọ kiet, Aaron nte inua Moses, Moses nko esitiṅ ọnọ Aaron kpukpru ikọ eke Abasi etinṅde ọnọ enye.

Okposuk edi Moses mikekwe eyeneka esie ke nkpo nte isua aba tṅn nte enye ọkọkpṅ Egypt, edi Abasi etinṅ ọnọ enye ete ke Aaron ke edi ke usuṅ ndisobo ye enye. Moses ama adaha ọkpṅ ete aṅwan esie, ada mbon ufok esie, ọtṅn isan ndinyṅ nka Egypt. Ke ini enye okutde Aaron mmọ ema ekom kiet eken ke inemesit, ndien Moses etinṅ ọnọ Aaron kpukpru se Abasi eketinṅde ọnọ enye.

Se Abasi Adade Anam Utom

Ke ini Moses ye Aaron ema ekesim Goshen, Aaron ama etinṅ ọnọ nditọ Israel kpukpru se Abasi eketinṅde ye Moses; ndien mmọ ema enam mme utibe-nkpọ edikpuhọre esan nsin ke urukikot; ye edinam ubok Moses akabare akpamfia, ke iso mme ikpọ owo Israel, ndien mmọ ema enim ke akpanikọ ete ke Abasi ọkọdṅ mmọ. Ke nsuhọre-idem mmọ enuhọ ndikpono Abasi ye esit ekom ke ini mmọ ekekopde ete ke Abasi ke okokut ndutuhọ mmọ, nko ke Enye ọmṅ edinyaṅa mmọ osio ke itie ufin mmọ.

MME MBUME

- 1 Nso ikedi mme mfaṅa emi Moses ọkṅde Abasi ke ini ekekotde enye?
- 2 Nte Abasi ama onyime mme mfaṅa emi?
- 3 Nte mmọ emi ekekutde mme idiṅn emi ema enim ke akpanikọ?
- 4 Ke ini nnyin inṅde ikọ-ntiense, nso itim idi akpan-nkpọ ikan udṅ ikọ?
- 5 Nso nkpo-ekṅ spirit ke Abasi ọnọ nditọ Esie?